



3. Uniqtuqanii Tapkuat Pitquhiit

Tamna Katimayi uniuqtuqanii tapkuat apiqhuiniqmut pitquhinik hungmatlu piyangi tapkuat hivuagut-apiqhuiniqmut katimaniq. Tamna Katimayi kiuttaq-niaq kitunikluqak pitquhiqnut apiqutainik tapkuat Piqatauyut tamatkigahuaqattaqlugit uingaiyautit ayuqnaipat.

Tamna Katimayi uqaqviuttalaq tapkunangat Piqatauyunit piqaqtitiniqmut tuhagaxhanik kiulugitlu apiqutit piyalgit atuttiaqnianik tamna apiqhuiniqmut pityuhiq atuqtaunianik nakuuyumik tamatkiumaxhilunilu piyaunia. Tapkuat Piqatauyut pilat, atuqtitlugu tamna hivuani-apiqhuiniq, apigilutik taphumunga Katimayimut kitunikluqak hulikkaniq pitquhiqnut apiqutinik.

4. Tamna Pityuta Hivuani-Apiqhuiniq

- (a) uqaughiginiinut pityutaayut tugangayut taphumunga Tuhaumatyut naunaiyaqlugitlu pivikhaqamangat ihuaqahaguminaqhaqniinik tapkuat pityutit, naunaipkutagilugu uqaughiginiinik tapkunangat Piqatauyut tmanaluniit Katimayimit hivuliqtiqaqlutik ihuaqhainiqmik;
- (b) naunaiqni hunat piyangita tapkunani “Titiqatit” (titiqat tuniyautaqhimayut tapkunani Apiqhuyigalat Aapisiani) tapkuat Piqatauyut hatqigumayai taphumunga Katimayimut hivuani talvaniluniit apiqhuiniqmi
Nakataani 18 tapkuat *Inungnut Piyungnautit Piquyat* tuniya tamna Apiqhuyi tapkuninga Piquyatigut Piyungnaut atuqtitniinik hivuani-apiqhuiniit. Kihimik, Apiqhuyigalat pihimakmiyut apiqhuyitigut ilitagini piyungnautit piyanginik pitquhikhat ihumaliugutai naunaiyaqnilu qanuq pityutit atuqtauniagiakxhai hatqiqtauyut inmingnut piitkaluaqtitlugu piquyani maligait.
- (c) naunaiyaqniinik piniagiakxhai tapkuat Piqatauyut kivgaqtugauniinik maligaligiya hapunniaqtimit havaktimitluniit talvani apiqhuiniqmi;
- (d) naunaiyaqniinik piniagiakxhai tapkuat Piqatauyut qaitquniahimaniit tautuktiuyunik tunihiyukhat naunaipkutaqnik upinaqtumik angigutiqaqlutik talvani apiqhuyuni, apkuat pityutaayut taimaittumik piqaqniaqmangatlu kitunikliqak tukhigautinik tunihiniq ilauyaqaqpiaqtukhanut;

- (e) naunaiyaqniinik piniagiakxhai naliatliqak tapkuat Piqatauyut tautuktiuyutluniit piyaqaqmangangi qanugittunikliqak atugiaqaqtainik piyaqaqtunik apiqhuiniqmut, naunaipkutagilugu uqaqtiqaqniq, qaumatiniq, tuhatyutiniq, ikhivaniqmut ihuaqutikhanik, ahiilu.
- (f) uqaughiginiinik tamna nani inikhanik qanuqlu tamna apiqhuiniq uplukhailu ikaqnikhailu taphuma apiqhuiniup piniagiakxhai;
- (g) naunaigahuaqlugit qanuqtut qakugulu tapkuat Piqatauyut piyumayakxhai himiqaqniinik titigaqhimayut qanigutai, titiqat, pihimanigagutit pityutaayumutlu maligait;
- (h) naunaiyaqni piniqaqgiakxhai tamna Piqatauyut piniqaqhimayanga tukhigautmik taphumunga Apiqhuyimut naunaiyaqniinik tautuktit hivuani taphuma apiqhuiniq;
- (i) ihuaqhiniinik kitutliqak ahii kikkilitvikhat tapkuninga Piqatauyunut, ilautitlugit ihuaqhinia uplukhaq upluqhiutalu atuqpaligakxhap hivuani-apiqhuiniqmut katimaniq, naunaipkutagilugu tamna naunaiqnia hanaiqtaqni tapkuat Piqatauyut atugakhaliatmut apiqhuiniqmut;
- (j) pivikhaqatitni tapkuat Piqatauyut uqaughigini pitaqnilu tiliugutit tapkunangat Apiqhuyigalat kitunutliqak ahiiinut pityuhiqnut pityutaayut.

